



圖二




饒平縣城郭圖





黄冈城圖

圖  
三



圖四



圖五





饒平縣志序

前明成化十四年割海陽縣  
秋溪等都置饒平久之又割  
秋溪還海陽余先世自饒庠  
脫穎而去者七人今雖繫藉  
秋溪饒固桑梓地也先是戊

序一

陳

寅己卯間几庵邱侯肇脩邑  
乘余時爲諸生頗與聞其畧  
今

劉侯子獻先生方在重輯將  
竣又移書相質五十餘年兩  
逢職方記載之盛舉番番老

儻何其幸歟夫經變而爲史  
史變而爲志者勢也或者曰  
史兼褒譏志獨揚善似乎不  
類孰知凡人之情互照則徹  
疎觀之哲對待益瑩雕杞梓  
爲棟樑則樸檗愧散材矣珍

序二

陳

琬琰以緹繒則砒砒慚鼠璞  
矣彰之未始非瘴懲之卽寓  
於勸春秋之義固隱然也夫  
因天者逸違時者乖度地者  
察拘方者迷碧水丹山依然  
流峙均徭則賦迭有規程所



以勅政刑而展明禋揆文教  
而褐亂畧登良士表坤儀弭  
灾沴善風俗者具在要之法  
之不能變者終古爲經時之  
有升降者道難膠柱也前人  
記之後人踵而增之非班馬

序三

陳

華壽之鴻筆何以鏡得失之  
林哉 侯鸞音久噦政乂民  
康而餽饌典墳熟諳嘗故故  
搦管爲志旣總制清衷又妙  
選髦俊乃以余敦盤舊好謬  
思取裁夫夜光之側誰容燃

脂昆吾之鋒何待洒削況齒  
愧俱竹腹類秋蟬者乎披其  
序論諸作固已純粹入矩躔  
駁出規欲與前修爭席矣雖  
然饒界連七閩襟帶山海南  
澳浴日稽天鳳山撐雲矗漢

序四

陳

灑氣所鍾理學文章之彥纓  
紱接軫邇年郡帥作逆勾連  
鮫魴遂使海水羣飛疆土杌  
隤實自饒海始

聖皇削平踰一紀矣舜日杲杲景  
麗雲柔然而談虎色變君子

衣袵之戒猶鰓鰓焉 先生

蓋先我而有同心也

秋溪九十老人陳衍虞鐵

山甫拜題



序五

陳

饒平縣志序

自有紀載以來所重者曰經  
曰史史者所以紀

朝廷之典章事實以昭來許者也  
彷彿乎史而有志志者所以誌  
土俗之山川風物人才以示

序一

余

不忘者也會於省總於羣詳  
於州邑故其間之城宇鄉曲  
縉紳仕宦忠孝節烈道藝文  
章莫不備載古稱野史良有  
以也饒爲潮之屬邑舊志由  
來尙矣邇者

列憲採問民風徵修邑乘

子獻劉先生以名賢世族宰  
是邦實董其事 先生既下  
車釐奸剔弊百廢俱興於是  
諮訪耆老續原志而增修之  
帙既成問序於余余喟然歎

序二

余

興曰嗚乎志之修也豈易易  
哉蓋誌事易誌人難誌人易  
誌人而不沒其實爲難何則  
誌事者有是事則筆之書而  
已詳贍缺畧繫乎才也簡常  
黜異繫乎學也若乎誌人則

或揚其高曾而實因其孫子  
或表其幽異而實私其親知  
蓋始之以才以學而斷之以  
識以公不綦難乎不綦難乎  
今余觀 先生是集義類淵  
淡蒐討詳備其誌事也典而

序三

余

核華而有章其誌人也不諛  
死不佞生庶幾古者旌別之  
意而行彰瘡之權者乎異曰  
者上之

列憲達之

當宁謂一邑之志乘也可謂一代

之信史也亦可是爲序

賜進士出身翰林院編修羈人余

艷雪頓首拜撰



序四

余

饒平縣志跋

饒志之修 劉侯弁序亦既  
詳哉言矣余亦何贅獨思鄩  
侯人關卽收關中圖籍以行  
史論謂其知所務是此圖籍  
卽今日所謂志是也志備一  
邑之大觀其形勝碁布創制

跋

一

侯

星羅國賦若而數節義文章  
若而人無不於志是咨志之  
重如是則 侯之修誠不可  
以已也然而修志亦云難矣  
夫饒志所載前此已百數十  
年誠欲修之莫難於考古又  
莫難于論今古則歲月湮聞



見寡難在勿使掛漏今則爲  
尊諱爲親諱難在勿流虛僞  
乃 侯毅然獨謂無難也  
侯之言曰志志內有一定不  
易者固宜遵矣至若先後之  
間事異其得失物別其興廢  
制殊其重輕俗或文而或質

跋二

侯

才或盛頁或衰則有以直書  
者焉有以曲書者焉有以顯  
書者焉有以微書者焉務使  
旨寓於文表意藏於辭中而  
志自可無弊夫何難爰是委  
余以董其事集諸紳士依例  
核正條分縷拆有倫有脊

侯從而鴻裁潤飾焉詳核精  
審無罅可間而饒志遂觀厥  
成夫饒在五嶺特一彈丸黑  
子固甚小也而布而有政績  
垂而有典章列而有風土人  
情蕃變之不侔又甚大矣乃  
侯以一部志言收之無異關

跋三

侯

中圖籍所謂一芥子能藏須  
彌山是也志成以之獻乎  
當道則饒地規模體象可供  
采覽以之裏乎  
國史則饒封人文政蹟可助高  
深後之君子徵文考獻庶亦  
取斯以爲指南也夫謹跋

旨

康熙貳拾伍年孟冬饒平縣

儒學訓導侯世祿拜書



序  
四

侯

饒平縣志序

羈邑誌成余颺其盛附名者  
三饒誌之修未及與焉將竣  
邑候劉公造予廬請曰維羈  
有誌先生序之若海若澄有

序一

楊

誌先生無不序之幸出一言  
爲饒誌光余方束裝入春明  
補藩貳匆匆言別懼無以謝  
侯請也已而思饒號古邑有  
明萬歷間建置澄城割蘇灣

一都以資之我祖先廬墓田  
園在是溯本尋源由來隸饒  
也仰侯之化尤邇余雖不文  
烏敢辭夫昭代政在方策以  
示來許爲可法也爲可傳也

序二

楊

稽古服官不於典故是求其  
何政之爲耶特吏治乏具對  
簿書且不暇給率爾與言誌  
事勉遵

憲令而已侯才非百里學擅三

長久歷公車識力益進及栽  
花饒邑勞撫字勤政治彼疆  
域城池皆已區畫兵農禮樂  
皆已經理風俗人物皆已倡  
興今之蒐舊乘而增新裁匪

序三

楊

徒備耳目之觀實見數載畱  
心土地人民政事如此此誌  
成卽謂成侯志也可若余得  
以颺言綴名編末藉垂不朽  
焉幸矣

賜進士第大中大夫候補叅議前

提督福建通省學政按察使

司僉事加三級兵部職方清

吏司督捕郎中加二級戶部

湖廣清吏司員外郎

序四

楊

欽差提督鳳陽等處糧儲運餉屯

權戶部雲南清吏司主事奉

勅監督通州大運西倉漕務庚戌

科會試同考官翰林院庶吉

士羈人楊鍾岳拜撰

饒平縣志序

粵白

世祖誕膺寶籙奄甸四方嶺南僻  
在荒服胥隸弼成亦既陟禹  
之迹靡有逖遺惟是海波如  
沸蕩搖邊陲厪

自序

當宁南顧旣歷三紀尙憑鯨鯢  
之穴

今上天威奮揚海若効順樓船一  
鼓破浪萬里臺灣後夫頰首  
方來畫海疆而毘縣之彌增  
其式廓矣抃濫尹饒邑初下



車會部使者奉

命巡視海邊展復遷斥之內地  
獲從各上臺循黃岡涉大城  
聞百堵丁丁聲未嘗不感嘆  
饒人之向劬勞而今安宅也  
越明年

自序

二

詔徵天下省隄縣志以昭一統  
上檄至抃竊自幸躬逢文軌  
攸同之盛所治蕞爾邑山川  
土田之疆理城池廟署之建  
置文物科名之興衰風俗氣  
候之同異皆得彙編成書登

黼座以備

睿覽視昔楚風之不錄於周詩  
豈不奕奕然光寵哉獨念修  
志之難與修史等昌黎起衰  
雄文佛可斥鯁可驅至於史  
猶退然不敢爲而抃以襪線

自序

三

學製承乏厥舊治之屬邑方  
山斗是仰顧欲握管城以從  
事于邑乘不幾貽昌黎毛穎  
傳不中書之羞耶旣又竊計  
一邑之在天下猶一髮一毛  
之在身摘二髮拔一毛而周

身恫乎如傷饒雖裔土未爲  
窮髮不毛也一邑志闕豈惟  
罷無完書將使外史所嘗有  
如冬官待補天下臂指相聯  
之形無乃少虧乎且夫修志  
之舉匪以耀文蓋欲於是乎

自序

四

考政焉前事不忘後事之師  
抃敢以不文遂荒自考之志  
哉爰蒐舊志而許令璧所肇  
修及羅令印凱續修于嘉靖  
二十年者皆湮滅無傳邱令  
金聲增修於崇正十三年者

亦殘簡蝕於蠹魚訛字疑于  
豕亥夫自邱令修志以迄于  
今纔四十餘載其志之散佚  
僅存已若此遲之又久淪亡  
殆盡將併求所謂蠹蝕豕疑  
者不可復得是則抅今日之

自序

五

責其容遁乎於是葺殘訂訛  
刪浮徵實而又周咨紳士博  
詢父老確稽

功令補前志所未備凡山海之  
陂而復平地畝之蕪而復闢  
人民之流而復歸祠祀讀約

賦役營伍諸規制之裁而復  
定縣治黃岡大城南灣諸墉  
堞之圯而復修孝義節烈科  
第名宦諸人物之鬱而復興  
莫不採輯加詳臚列具悉閱  
朞月乃告成清夜臥閣披卷

自序

六

一寓目焉如覽山川形勝思  
在德不在險也如循行阡陌  
知稼穡之艱難也如對几筵  
而薦馨撫嘉石而式敬怵我  
以先禮後刑之感也如聽鼓  
鐘於璧水觀射獵於郊原惕

我以揆文奮武之懷也如下  
孺子之榻造任棠之門與賢  
士大夫酌利弊而議興革也  
然則斯志也鑒古鏡今觸境  
警心於以自考得失不啻置  
身於敷奏明試之廷幽明莫

自序

七

之或掩矣事失則誣文失則  
夸抃或可告無罪若夫是非  
不謬於聖人聲教有裨於  
天子行而可遠傳而可以  
是惟掌  
四方志者更定之以續春秋  
之筆

康熙丁卯孟夏文林郎知饒

平縣事潁川劉抃撰



自序

饒平縣志舊序

林大欽撰

吾讀饒志至於藝文之卒其采疇詳矣夫志邑史也  
闡微微幽興絕起廢將明王道以備軌物非特耀文  
美觀爾故本於興廢之所由起吾觀之沿革星野焉  
察乎陰陽之所由變吾觀之歲時氣候焉原夫得失  
之所由徵吾觀之災異寇變焉此則盛衰相錯顯晦  
互因所謂因天之道微矣圖之封域山川以固其要  
會列之城池關隘以扼其險塞陳之水利墟埠以興

饒平縣志

卷之一

舊序

一

其便利導之坊鄉物產以蕃其生息所謂乘形燮方  
度利阜財相地之宜疆理是清民資有紀戶口爲籍  
田糧爲養雜賦爲輸徭役爲庸職官治之學校導之  
選舉秩之兵屯衛之表觀勵之廟祀儀之彰於名宦  
顯於人物流於藝文徵諸風俗有美惡焉所謂事得  
其宜則理人得其樂則和度律爲綱賞罰爲權美刺  
爲機人道於是乎齊矣林子曰國之大事在養與教  
養在勸農桑教在興禮樂衣食蕃殖信義相孚據險  
守度時而動以居則固以戰則信故曰天時地利



和饒邊山其民土著力農舊矣而前令翁子五倫  
之今羅子印凱封之端平法度顯白章理既匡殊  
經訓燁達學諭王子魯徐以禮樂潤飾之人文於  
是乎彬彬矣俗化與人推移詎不信哉是志也陳則  
以詔明微而稽蓋慎矣司風君子采事觀變因時損  
益與民終始其將是徵夫其將是徵夫

又

羅印凱

古者列國皆有史官嘗記時事天子巡狩詢察之餘

饒平縣志

卷之一

舊序

二

必稽國史當時道德一風俗同良有以也世降春秋  
史失其職日食星變亦罔聞知他可知矣自罷侯國  
置郡邑史廢而志興焉志史之流也然則史在列國  
志在郡邑未規云乎哉况饒析自海陽舊爲缺典嘉  
靖戊戌冬印凱奉命來宰初欲觀民情土俗而無所  
考也欲觀古今失得施爲後先而莫知所從也欲觀  
山川條理區域井疆戶口消息而不得其要也雖值  
舊令忠告然事變無窮因革靡定出口入耳或不逮  
此饒志非圖治者所必先乎及期督府半洲蔡公

議脩省志以郡邑多缺檄諸學諭分纂之印凱欣然  
礼王子魯於館功垂成而督府以戎事中止印凱請  
竣其事可之適大巡覺山洪公同藩臬汪雍二公按  
潮印凱以聞大巡公賜允且與之梓乃仍囑王子成  
之先是王子菟綴舊文博咨輿議加之攷訂叅以論  
著而筆削校正之勞印凱則不敢辭其責焉及脫稿  
閱之紀載維實義例維新如總圖一邑分圖六都取  
便按治廣辦方也宋季君臣避難南灣圖特加詳重  
駐驛也核年表平往蹟也錄均平定成賦也書寇變

饒平縣志

卷之一

舊序

三

示謹微也揭貪酷嚴鑒戒也

附麗倣周語也大

書提要法麟筆也數者皆志體所無自今創之噫後  
之視今亦猶今之視昔矣夫志之作也奚啻文具也  
哉欲以實心行實政者有賴焉是故觀沿革損益之  
政行焉觀星野脩省之政行焉觀輿圖辨方之政行  
焉觀學校正德之政行焉觀食貨利用之政行焉觀  
賦役厚生之政行焉于祀典觀之將以啓民思也于  
名宦人物觀之將以的民趨也于文藝觀之將以通

變也益之損之

情

經

矣正德 民

力 矣薩

而民

興仁思啓而德歸厚矣趨的而仰止得矣變通而化  
成矣故曰實心實政者有賴焉較成叙于末簡以奉  
揚當道德意而廣其傳且告諸來令云

又

饒平縣志

卷之一

舊序

四

饒平縣志

卷之一

舊序

五

又

邱金 撰

擁五百之地而長入乘輿出張蓋令一號五百之間  
人人趨恐後而又有胥吏之屬隸卒之屬佐理之屬  
表威承顏測意見異而建之頤指後坐論平生儒前  
造請于賓客有所動作纖悉必決而後敢爲清道而  
後馳齋肅而後見令於邑爲重矣一行受上簡則扶  
携其眷屬裝挈其圖史扳綴其廝養蹄輪雜沓以至  
其處踉蹌入署亟扃其戶而反鑄之簿牒山積事數  
年或數十年閣不理者稅數年抗不輸者帑數年失

饒平縣志

卷之一

舊序

六

不發者獄數年寢不折者輪如茵如身前後皆是民  
側耳而聽張齒而議佐理隸卒胥吏之屬借一虛則  
剝竇而塞之弊鬼弄妖嗥百出不窮非有大故足不  
及郊郭所目見山川城堞宮觀草樹如擁牖所傳聽  
道里橋梁鄉井人物土俗古蹟如育者問曰語以盤  
幾何其不捫鍾而嘖哉然則擁五百里之地而長當  
循山以趨環水以走里而詰家而正人揣物考舉向  
所謂輪如茵如身前後皆是者輿而隨之田井褒邪  
山谷峻複汗相續於途精疲神弊而後爲理耶曰否

禹之治水也嘗至桐栢之山驚風迅雷木石號鳴不能興乃搜命夔龍獲渦水之神巫支祁辨江淮之淺深原隰之遠近又嘗登宛委之山仰天而嘯夢赤繡文衣男子語以簡書知導水之方然後四海之根百川之理無不備舉三年而功以成夫民猶水也積不治則突決竄漂與土相嚙以害陵谷饒之初隸地海陽僻阻泥海民鳥獸而嬉卽老死不見官府何狀於是數相奪劫互賊殺無忌土人患之請割土置官以懸於潮則縣設教勸誦度以覺而美俗漸出則學年

饒平縣志

卷之一

舊序

七

增事淡表著日博恐其疑信半遂不傳無以垂於後則志故志者志也所以志邑人之志也又致也所以使守土者因文知方辨情起政不勞而治致也歲代旣降民或見美而奪或智開而伐或朕反而越岡或別汜或截疇或絕賦或末筆墨之事長存而不廢則五百里之內數百里之中袖一帙卧而理之雖復門鏑牒積亦何至擁牖而窺捫鍾而嘖也不幸而筆墨廢絕板帙湫亡未及百年文獻都失而謬味如金聲者承乏來許訪古茫然按卷興嘆採風問俗兩無所

數月之間嗥弄出矣牖鍾見矣乃始謀諸縉紳故老搜採而一新之徵輯載餘爰成其功以舊本爲經以邑人所遞致爲緯定論于蓋棺損增于與頰綴以俚言易之梨梓夫支祁獲而浩漭伏宛委夢而簡書出饒在海之濱潮來汐逞不遺患于襄陵可以知水之所歸則亦可以知志之所不可闕更數十年此帙幸存或不幸而散弃如昔後來者纂脩如今理朽標新斯舉不沒則擁五百里之地治五百里之人按譜汗號操所重而無愧志也者邑之巫支祁也若妄希

晉楚之交竊取腐遷之志余非其人也曷敢任曷任

饒平縣志

凡例

一傳曰周之諸侯千八百國今統計天下以縣數者不過千餘而幅幘之大較之成周代有加廣則縣志之千列國史不更重耶況夫史惟紀事而志則山川風物纖悉具備苟紀載不實編次無倫則真僞混淆義例雜出故是編提綱疏目一裁於省府二志而凡舊志之錯雜無倫者悉爲改正至如纂述則寧朴毋華寧詳毋畧披覽

饒平縣志

卷之一

凡例

九

之下較若列眉

一圖考有五首全饒正疆域也次縣城昭統馭也次則黃岡城大城所城則皆本縣之要害設險守國不容畧也至如南灣則二省重鎮統領漳潮然版籍半隸本邑則形勝不可無考故又次之以南灣圖終焉

一高山流水名著一時則遊踪所及憑吊因之或全錄或節錄不特雲山增色抑且流峙宛然一城池學校公署凡初建重建以及修闢等必



一舊志修於明崇正庚辰距今幾五十載且自  
國朝鼎革又復兵燹頻仍遺文散佚故老凋殘猶幸  
有邑之名紳賢士以及博物諸生得以資訪是  
役也編輯則有司訓侯君世祿大埔進士蕭君  
翱材分校則有明經柯子壬馨盧子姚標湯子  
學臣翁子宏猷文學陸生應珩陸生贈衣以至  
翁生鰲憲沈生蛟起熊生可坪黃生嘉裕陸生  
斌劉生世顯黃生元焜亦皆博學洽聞各效參  
訂之力以故雖如抃之荒謬無文得以提綱疏

目覈舊增新酌損益正體裁是抃之責實有苦  
心然非諸人贊勸則掛一漏萬貽譏大雅必甚  
故志其勤勞不敢沒云

潁川劉抃識

紀其年誌其人庶幾急公重道者得以永垂不朽

一職制祀典則承流宣化崇德報功之義係焉雖因時制宜損益不同而源流必書條欵悉載民社攸關自應致愼

一田地戶口自有明成化設縣以至

國朝康熙年間其分拆遷復總撤必書以便參閱

一賦稅自地丁以至鹽課雜稅等項悉照賦役全書不敢互異

一兵防爲地方捍禦其險阨大小汛守代更始末必書至繼於賦稅之後者蓋取兵民相濟之意也

一職官選舉旣已分類詳書而又於其中特揭名宦人物者不惟表章前哲抑亦砥礪後賢

一孝義隱逸取其至性天真清風高節足以興感百世而列女則爲坤義攸係莫非正氣所鍾故並列之

一風物古蹟悉皆訪求增訂以備稽考

饒平縣志總目

圖

全饒疆域圖

縣城圖

黃岡城圖

大城所圖

南灣圖

卷之一

星野

饒平縣志

卷之一

總目

十二

疆域

山川

建置沿革

卷之二

城池

公署

學校

卷之三

職制

祀典

卷之四

田賦

戶口

卷之五

鹽課

屯田

積貯

兵防

饒平縣志

卷之一

總目

十三

舖遞

卷之六

職官

名宦

卷之七

選舉

卷之八

人物

卷之九

孝義

隱逸

流寓

列女

卷之十

潮汐

海颶

海汛

氣候

饒平縣志

卷之一

總目

十四

卷十一

風俗

物產

卷十二

古蹟

寺院

陵墓

卷十三

寇盜

災祥

卷十四

藝文

文部一

卷十五

藝文

文部二

卷十六

藝文

文部三

卷十七

藝文

文部四

饒平縣志

卷之一

總目

十五

卷十八

藝文

文部五

卷十九

藝文

文部六

卷二十

藝文

文部七

卷二十一

藝文

文部八

卷二十二

藝文 賦部

卷二十三

藝文 詩部上

卷二十四

藝文 詩部下

饒平縣志

卷之一

總目

十六

饒平縣 卷之一

潁川劉抃纂修

星野

粵省分野攷黃文裕公通志闕如無亦以天道遠而難言故畧之與潮於粵屬郡什之 未矣饒於潮屬邑什之一一柳又未矣分野從同似可無志然吾觀庶徵一疇所言時恒之應事與行分配甚晰一身且爾矧一邑之分野顧可槩以省若郡之志遂置勿論與畧於言天其知天人相與之可畏

饒平縣志

卷之一

星野

一

而不懈於人事之脩者蓋亦鮮矣志星野

凡九州封域皆有分星星土之辨周禮保章氏筭之所以觀妖祥也東廣漢南越地在禹貢爲揚州其次星紀范曄志星紀起斗十二度至須女七度於辰在丑吳越之分野屬揚州所謂於越南越皆是也合言之其宿斗牛女其分有云南斗在雲漢下流當淮海間爲吳分牽牛去南海浸遠自豫章迄會稽南踰嶺徼爲越分則是廣東之宿牽牛也夫牛宿在北方而分野南越何居說者謂星起於北



而光燭於南然則星之與土精氣相屬不係於方隅可分亦可合理固然也乃明一統志及分野書閩越諸郡俱牛女分野獨惠州專屬須女而潮州專屬牽牛由是以推均隸一省之郡而分星區以別則又安知均隸一郡之邑而分星不亦區以別與此其合其分雖天官家有不盡測者矣要之星紀之次斗牛女之宿一有妖變凡屬揚州之域皆必修人事以答天譴何論吳越復何論惠潮則志星野者言其分固不如言其合也夫

疆域

禹貢辨九州疆域獨冀不書尊京師示無外也故王畿爲四方之極無此疆彼界外而省若府若縣犬牙相制各有區字匪以域民蓋官守係焉不得越而代亦無容諉而謝也志疆域

縣境東至分水關接福建詔安縣界一百二十里南至黃岡九十里至大城所又三十里西至南嶺棟海陽縣界七十里北至九峻嶺大埔縣界六十里東北至栢嵩關福建平和縣界六十里

西北至張公嶺大埔縣界五十里西南至秀才徑海陽縣界九十里又西南至澄海縣界九十里東西相距一百九十餘里南北相距一百八十餘里自縣治至府城一百六十里至大城所一百二十里至柘林水寨一百四十里至南澳過海一百六十里至廣東省城二千七十里至京師九千九百四十七里

山川

邑有山川財用於是乎出饒負山面海材水魚塩  
之利可使民無憾於養生喪死而萑苻竊發徃徃  
窟穴其中則適為民害然不能惡噎而廢食也興

利去害職在司牧志山川

山

尊君山 古名將軍山去縣北五里許形如執笏故  
名縣治之主也其上有菴焉建在山阿

額日尊  
君菴

望海嶺 在縣東二里危峯插天遠眺海表前建  
有雲山大硯石巖三古寺遺址尚存

饒平縣志

卷之一

山川

四

天馬山 縣治之南山也  
天馬行空之勢

文峯山 在天馬  
山右

待詔山 在縣西南十里四時雜花競秀名為  
百花山土人植茶其上潮郡稱待詔茶

城隍山 古名金山其地軒敞多勝槩  
初為城隍廟址在縣城北

琴峰山 在縣治後自城隍山  
發脉橫亘如琴狀

大金山 在學宮後連脉  
琴峯斷而後起

桃源山 在縣西北十里上有  
龍潭歲旱禱雨輒應

九峻山 在縣西北岵嶺頓伏  
鳥道崎嶇通大捷徑九

南陂寨 在縣西民築上  
為城以避寇亂

石磨山 上在縣南十里

繚船楯山 北在界平脚村東

犁頭山 東在連上漳饒浦堡小段四百丈

鳳凰山 鳳在縣治西十里高壓諸峯山頂翠如

河門山 二在縣東南知縣北南三溪水文合流之地康熙

地無風水以興人文下有石碑文曰天下大亂此

焉立

虎頭山 山形如虎踞在鳳凰

拜龍徑 餘在縣外十里餘舊有大蛇吞鹿角

饒平縣志

卷之一

山川

五

繡衣嶺 見在丹嵐翠里許建縣初有御史行部過饒

題葉老繡衣嶺上午風清不繼巡按梅江又留

尖山 漳在東洋多屯險阨伏嶺南州

白鷗山 險在東洋屯堡其

四壁嶺 傳在東洋屯堡潘段村相

鶴山 其在東洋屯堡麻湖立村

寶珠山 中在黃岡覆堡後田

石壁山 嵌在黃岡堡北二里山多岩石有飛泉空

黃紫殿山 蜿蜒似龍盤左三台山障右九曲水灣

浮山現  
海堪觀

烽堠山

烽在火川防海寇  
堠在火川防海寇

浮山

上在縣東門官山  
有開河石碑

南鷺山

西在縣西南平溪  
接海陽縣界

棲雲山

南一名太甲山在黃岡驛西  
高與蓮花山相表裏

留嶺

仙在大港上村北接漳浦南詔驛界相傳  
人牽牛度此今石上有小牛足

大幕山

明在上底後形如垂幕故名處士陳萬盈與  
經陳德謙講學於此手植蘭茗悉成行

列陳季齋有詩云山含樹色晚來  
翠水權霞光雨自收蓋指此也

鯉魚山

陳在大幕山下鬣遍真鄉人曾避倭其上  
陳季齋詩云鬣遍真鄉人曾避倭其上

饒平縣志

卷之一

山川

六

娑葉婆

馬頭岡

處在海澳石上有仙人跡及驢蹄葫蘆影有  
處士陳薦齋詩云履石見仙跡垂綸坐釣

磯沙明天際迥風定野花飛水煖魚龍戲  
機忘鷗鷺依悠然滄海上竟夕堪忘歸

蓮花山

郡在於蘇灣信寧二都之界東接滄海西瞰  
城高壓諸山望如蓮萼

雙石山

二石疊起如鼓山

北山

在大幕東有  
泉雖早不竭

東坑山

與北山相連中有石洞莫測所底嘗有三  
虎憑之為鄉人熏斃

周田山

山下有廬舍數楹張尚里陳松澗黃明善  
陳石岡諸公嘗讀書其中松澗有詩云春

溪日好花更好秋  
風柔雲亦柔

鳳髻山

大尖峯下  
如雲

獅山

偃為大如  
獅後屏形

小金山

在大城  
比大

龍潭山

在大港東北  
尖峯右有廢寺接

釜山

形在神前之西  
如覆釜

赤墩山

山有風  
動石

香爐山

有在嶺後村西南山頂有石如香爐故名  
澗後村西南山頂有石如香爐故名  
澗後村西南山頂有石如香爐故名

巖曰相公廳可容三百餘人  
人避倭其上石日爐竈尚存

鐵甲山

灣在西下

饒平縣志

卷之一

山川

月山

上在寨下  
寮岱

烟樓山

焉在海邊有望墩烽樓  
可海邊有望墩烽樓

象頭山

官在柘林舊有天妃宮明嘉靖初鎮守東路  
官在柘林舊有天妃宮明嘉靖初鎮守東路

縣翁湖五倫行部至此鑄詩石上有云大觀  
須是遠望莫如山無限乾坤趣都歸意思間

西灣山

海一名溪畔山石柘林  
海一名溪畔山石柘林

鳥頭山

歷一名鷄冠山在柘林北海邊可泊舟明萬  
歷一名鷄冠山在柘林北海邊可泊舟明萬

紅螺山

日在獅埋二灣港口三山鼎立左日虎巖右  
日在獅埋二灣港口三山鼎立左日虎巖右

峙焉灣港通於潮汐盤旋往來  
四十里相傳為宋帝泊舟之所

淡坑山

山在宣化都大柵東南其半接有福建漳浦  
山在宣化都大柵東南其半接有福建漳浦

一橫一豎坑流入海濱有盭籠石盭貴中  
虛賤則沙滿其中土人往往因之以筆架周

### 南灣山

信寧都海中山也面臨大海形如筆架周  
圍三百餘里宋丞相陸秀夫墓在焉又有

### 川

### 東溪

自九峻至諸山發源南流  
五里至縣東河門

### 北溪

自桃源諸山發源北流二十里  
繞縣後城隍山下與東溪合

### 南溪

自梅峯發源南流二十里從天馬山下赴於  
河門巨石盤旋怒號奔突十五里至吳坑為

石溪頭小舟夜泊所

### 湯溪

自石溪頭至此十里溪多盤石中流有石竅  
湧泉如湯晝夜不息有三石池之外遂同

## 饒平縣志

## 卷之一

### 山川

八

於石溪水焉往來行  
旅往憩浴於此

### 青竹徑溪

發源於漳浦縣界西  
流數十里入於湯溪

### 九龍潭

在半徑村發源於百花山之陽九級崖下  
一穴徑不可測相傳有龍居焉天旱禱雨

輒應東流十里  
餘里至湯溪

### 大榕溪

發源於十二牌山東流二十  
餘里至餘甘嶺入燈塔溪

### 小榕溪

發源於漳浦縣界西流一十  
里至東洋屯淫於燈塔溪

### 潘段溪

發源於漳浦諸山西流至此注  
於塔溪燈塔有官渡在焉

### 漳溪

發源於青洋八黃流  
十里至廣洋

### 黃岡溪

自此燈塔溪二十五里  
至此分三溪入海

六灣港

在黃岡堡西會石狗門東際  
百在州山常為六灣後港堤患

伍塘港

在陳塘堡  
伍在塘村

井州潭

在信寧都匯潮  
納江深不可測

大港

在宣化大港柵村之中凡黃閩南洋竹木  
穀米之貨通於此民甚利之且潤塩埕二百

餘畝

後溪港

貢巷港

溪尾港

樟山港

二十四俱在長岐堡自樟山港分潮汐往來  
二十餘里旋繞可觀俗號三十六曲

饒平縣志

卷之一

山川

九

灣港

在大埕柵上下灣之  
東內潤塩埕千餘畝

鳳凰山溪

在縣西南發源於諸出湧泉繞於下  
埔出海陽之龜湖而合流於韓江

象頭港

在守備營  
焉

下岱港

在海白水凍旗門入通  
於柘林泊舟

橫山港

在均坑西山下潮退可寨裳而涉潮大  
則人均馬踰於水際雖有山路而險阻特

甚亦天  
之塹也

深坑港

在上底東海邊盈涸不時或潮水與水  
并流則底為深淵或激浪沙壅水不通

則矣

西溪

發源於尖峯經人發迂堤紆繞西行縈大  
埕前達於灣港人發迂堤紆繞西行縈大



附嶼灣井陂堤涵

南灣

餘在宣化都東里南三十里大海中

灣西曰隆灣東南灣地寬衍然在海外岸

青灣自南灣東折風波險惡以是二灣

舟者惟深灣內寬外險有蠟嶼赤嶼環外僅

一門通舟而中容千艘番舶寇舟多明嘉

靖未有建議填其門者費帑萬計竟少舊功隆

灣為艘舳往來戶海寇亦時泊焉灣

年又撥回武原籍以其頑梗凡多與番舶通遷之二

處安插虛糧飛賊後議以廣濟橋稅代納蘇灣等

千八百餘畝悉克本處兵餉

及明末亂往為海寇所據

國朝康熙三年遷斥海界其地遂空馬今康熙二

十三年復設總兵衙門統漳潮兵守之以為閩

饒平縣志

卷之一

山川

十

廣二省  
重鎮

辭郎洲

宋在南灣海中今呼為侍郎洲按龍湖族譜

明年正月遷於惠州之甲子門都統張達邑人

卒義勇扈蹕其妻陳璧娘送達至此辭歸故名

錢灣 踮在南灣或云宋帝

宰猪灣 一在深灣東山厓險峻明嘉靖乙丑總兵

與走之一在南灣 威繼光遣都司傅應嘉從此間道破吳平

後澤灣 在隆灣賊首許朝光置

羊嶼灣 在隆城甚堅今毀

新灣 在上里東二里有崩天灣灣子皆小灣

湖下灣

寺在雲蓋山下

後灣

在柘林西山麓灣西寬乎水波不興守備兵船泊此

石井

平地石窟如井方丈餘晝夜肆洩灌田三百餘畝在上饒石井鄉

長潭陂

嶺脚陂

鴨母陂

馬坑陂

以上四陂俱上饒

陂

金場夾陂

丁坑陂

新豐陂

水口窰陂

橫溪陂

以上六陂俱中饒

曲潭陂

舊寨陂

饒平縣志

卷之一

山川

十一

河口陂

良田陂

楓頭陂

徑口陂

後潭陂

下底陂

新塘陂

中岐陂

烏石山陂

西壩陂

以上十二陂俱下饒

大榕陂

小榕陂

潘段陂

以上三陂俱東洋屯堡

黃山坑陂

烏溪陂

樟溪陂

以上三陂俱陳塘

第一陂

上墩陂

烏塗陂

東白陂

小兜陂

埔尾陂

蘆叢陂

龍潭寺陂

以上八陂俱大港

虎朴潭堤

布袋灣堤

慚愧堂堤

葫蘆段堤

在隆眼城都

南禦河大堤

下杏堤

溪尾堤

相思堤

尼姑渡堤

雷岩堤

東安堤

沽汀洋堤

饒平縣志

卷之一

山川

十二

水吼橋堤

以上十三堤俱隆眼城都

松柏涵

潭尾涵

溝頭涵

福洋涵

前埔涵

厚壠涵

仙村高處涵

溝尾涵

溝邊涵

後溝涵

新堀涵

彭處涵

以上俱虎村潭至葫蘆潭涵

建置沿革

古封建之制三代相沿及秦始皇置郡縣迄於今不改郡勿論已卽縣之小者不下子男其大者視公侯百里之國地大而難治於是有一縣而折爲二三  
三者如饒平是已初分自海陽轄八都旣而析爲二埔邑旣而析爲澄邑八都僅存其半分土分民宜無鞭不及腹之患矣然而治不少進亂亦時有何也豈地儉而賦詘一切增設之冗費民困於莫支與要之地無大小民無衆寡存乎有治人而已志

建置沿革

潮州爲禹貢揚州之域春秋時爲楊越

秦始皇三十三年遣任囂趙佗平南越置桂林象郡

南海三郡揭陽隸南海裴淵廣州記云秦守五嶺

其一揭陽是也二世時越地爲趙佗所據

漢文帝元年趙佗稱臣漢武帝元鼎六年遣路博德

楊僕平呂嘉之亂揭陽令史定聞漢兵至自降改

爲南海郡

東漢又名揭陽城

晉咸和元年分南海置東官郡隸於東官義熙五年

立爲義安郡統綏安

州 今漳

海寧

溪 今龍

昭義

埔 今大

潮

陽海陽五縣宋齊因之

梁兼置東陽州後改曰瀛州

隋平陳改瀛州曰潮州煬帝大業三年復以潮州爲

義安郡

唐高祖武德四年復以義安郡爲潮州自唐以後更

置不一而潮州如故

元世祖至元十七年改潮州爲潮州路置總管順帝

饒平縣志

卷之一

建置

十四

至正二十八年潮州路卒屬歸明

太祖洪武二年改潮州路爲潮州府統海陽潮陽

陽程鄉四縣此潮郡建置沿革之太較也至饒

平一邑創建於 化一四年時因三僥壤連汀

漳叢岑險阻寇盜嘯聚巡撫吳琛請增設縣治以

彈壓之朱英遂析海陽之元歌宣化信寧隆眼城

州清遠秋溪蘇灣八都置饒平縣於元歌都之

堡嘉靖四年巡按熊蘭復疏請 清二都置大埔

縣而隸饒之都僅存其六矣四十四年復拼蘇灣

都置澄海縣秋溪都復割歸海陽於是隸饒之都  
僅存其四矣建置方百餘年間析而又析沿革不  
一今

國朝因之窮變通久之道槩見于此矣

劉抃曰饒平潮屬邑也又分自海陽其建邑以饒  
平名亂後思治固有取爾也然惟饒故平衣食足  
而禮義興饑寒迫則奸邪作矣官斯土者顧名思  
義欲使饒永不瘠平永不亂政在養民而已